

潞城考古錄

潞城攷古錄卷上

畿輔叢書

通州劉錫信撰

潞縣故城攷

土人呼曰古城

通州潞河東八里有古城周圍四里許遺址約高五尺東西北三面俱存惟南面近官道已成陸地西北隅廢堞獨高丈餘疑當日角樓瞭臺之類攷之州志曰相傳爲前朝駐兵處或云古潞縣疑不能明也歲在壬午土人於古城北得一石刻爲唐景城主簿彭君權殯誌銘予屢訪之不得獲至癸巳歲始得焉

予有文跋其後詳記得石本末

誌云季弟長源迎神葬於古漁陽城北采貴里之原稱此城爲古漁陽城予初

潞城攷古錄卷上

一

疑之後讀水經注云鮑邱水南逕潞縣故城西王莽之通潞亭也漢光武遣吳漢耿弇等破銅馬五幡於潞東謂是縣也屈而東南流逕潞城南世祖拜彭寵爲漁陽太守治此寵叛光武遣游擊將軍鄧隆伐之軍於是水之南按鮑邱水卽潞河潞河過今州城東卽屈而東南流古城在潞河東與水經注所謂南逕潞縣故城西合余嘗尋訪其地登古城廢堞南望河去城約三里時當秋日漕艘未盡南下帆檣林立一一可辨蓋河至此折而東流正經古城之南與水經注所謂屈而東南流逕潞城南正合則古城爲漢潞縣故城無疑也潞水皆南流惟此地折而東流隆是

以得軍此水之南非親至其地不知也又按司馬彪五行志建武中彭寵被徵書至明日潞縣火災起城中飛出城外燔千餘家殺人時寵與幽州牧朱浮有隙疑浮見浸譖遂反叛攻浮卒誅滅卽此徵之亦可見潞縣爲太守治所寵初被徵而郡城災爲破滅之兆若潞仍如西漢時爲漁陽支縣遠在數百里外卽偶爾遇災豈得遂指爲太守滅徵志雖無明文可以互證也但司馬彪郡國志云縣名先書者郡所治也則漁陽郡當先書潞縣矣而郡國志漁陽郡仍以漁陽縣爲首或司馬彪悞沿班志舊文未及更正歟又考三國志公孫瓚旣害劉虞虞從事鮮于輔燕國閻潞城攷古錄卷上

二

通潞亭攷

州志古蹟門載古城一條又別載通潞亭一條注云遺址莫攷不知通潞亭卽潞縣故城也水經注明言之矣蓋通潞非亭館之名亦非漢制十里一亭及後漢封爵亭侯之亭按漢書王莽攷縣以亭名者三百六十以應符命文則

莽所謂亭卽縣也特異其名以應符命耳後人不察似莽
曾建亭於潞別列之爲古蹟之一非其實矣方輿紀要之
誤與州志同

州城攷

唐文獻重修通州新城記云通州古漁陽地相傳勝國前
無城捍以籬塞其有城自洪武初忠敏侯孫興祖始又載
曰下

舊聞并
州志

州志城池門其說略同予以爲非也攷通州自漢

建爲潞縣

班志作路後
漢書始从水

其故城遺址在潞河東後漢書五

行志所云潞縣火災起城中當卽河東之故城矣徙治河
以西年代莫攷酈氏注鮑邱水謂逕潞縣故城西旣曰故
城知元魏中葉已移治他所矣近日州城南一里許土人

潞城攷古錄卷上

三

掘得唐長豐令李君墓誌云葬於縣之南三里知唐時潞
縣已治於此惟里數不符者疑唐城僅今城北一隅迨後
廣其南面耳今州署學宮皆在北門內此必歷代相沿者
自北門內至得石誌之地約有三里里數適符後唐明宗
時趙德鈞鎮幽州苦契丹抄略於州東五十里城潞縣而
戍之見通
鑑蓋唐藩鎮城在今都城西至潞適五十里也疑
城之增廣卽在此時歟金海陵時升爲通州以潞附郭金
末元攻通州攸哈剌拔都一夕造砲三十雲梯數十附城
見元史
本傳金將蒲察七斤以城降見元史太祖
紀張礎傳明之滅元也
徐達率諸將克長蘆直沽河西務至通州眾請攻城郭英

曰吾師遠來敵以逸待勞攻城非我利也英以千人伏道旁率精騎三千直抵城下克之見鴻猷錄明史紀事本末是通州歷代俱有城見之通鑑元史鴻猷錄明史紀事本末諸書班班可攷而此記及州志俱謂元以前無城何不攷之甚耶

漁陽郡三治潞

漁陽郡三治潞縣州志俱未載其東漢及宇文周并方輿紀要諸書亦未之載也東漢治潞見水經注前已詳言之矣隋書地理志涿郡潞縣下云舊置漁陽郡開皇初郡廢隋承周後周之漁陽郡治潞明矣攷周滅北齊僅四年卽禪於隋於齊之郡縣未必大有更置隋志不曰周置而曰

潞城攷古錄卷上

四

舊置或統承齊氏而言之也唐書地理志潞縣下云武德二年自無終徙漁陽郡於此置元州蓋隋漁陽郡治無終至此徙治潞縣也唐人州郡並稱如幽州范陽郡元州則漁陽郡也迨貞觀元年罷元州以潞隸幽州開元十八年又分置薊州亦號漁陽郡

州志屬范陽國之訛

通州志序沿革云晉屬范陽國按晉書地理志潞屬燕國州志誤魏書地形志漁陽郡潞縣下云晉屬燕國後屬所謂後屬者謂後仍屬漁陽郡魏志省文最多其在石趙慕容燕苻秦之世歟

潞郡辨

清類天文分野之書載通州北魏時分置潞郡按魏書地形志無潞郡而潞縣隸漁陽郡方輿紀要云北齊時分置潞郡不知何據參攷隋志齊於潞縣置郡仍名漁陽不名潞郡也顧氏似沿清類天文分野之書又知魏志無潞郡遂稍變其時代耳

安樂故城攷

魏書地形志潞縣下云真君七年并安樂縣太平寰宇記云安樂故城漢縣廢城在今潞縣西北州志云遺址莫攷按今州城西北二十里有安德鄉地名壩上通州稱曰北壩都人稱曰東壩卽鄭村壩也明設御馬苑於此其故城尙存疑安德鄉卽安樂故縣安德爲安樂之訛以音相近而誤耳明御馬苑或因安樂故城遺址增築今莫可攷矣

通州防禦使攷

金史地理志通州下云興定二年五月陞爲防禦按金宣宗貞祐二年南遷元史太祖紀十年金右副元帥蒲察七斤以通州降元太祖十年金貞祐三年也至興定二年通州入於元三載矣金人烏能復置防禦使耶興定疑誤金制設防禦使者爲防禦州刺史者爲刺史州自天德三年升潞縣爲通州乃刺史州耳至是置防禦使復升爲防

禦州

元史張礎傳通州降以伯達爲通州節度判官按職官志無通州節度使元不置節度蓋是時元人初得金土庶事草創設官必暫沿金人之舊則金時通州曾置節度使而史失載此又因元史之文互見

潞縣治攷

潞縣舊治二漢時在潞河東八里之故城唐以後卽治今州城俱證之近年所得唐石刻可以爲據惟中間二百年未審治何所按水經注引魏氏土地記云潞縣城西三十里有潞河也以此計之元魏潞縣治所當在潞河東三

潞城攷古錄卷上

六

十里約略在通州三河交界之地今遺址絕無可攷古人數里

較小三十里在今僅二十餘里蓋是時尙未析三河縣元魏縣治在適中

之地理或近之徙治潞河西雖年代莫攷疑當在齊周置漁陽郡之時今州城北門內十三級然燈佛塔穹窿高峻頗爲巨觀建自周宇文氏當日建塔必在郡邑城市之地意潞縣必已徙治於此矣潞縣旣治河西與縣東境遼遠唐初所以析置臨河縣旣省之後開元初復析置三河縣皆割潞之東境亦勢所必然也

潞縣四境攷

潞在漢時東西最闊至元魏北并平谷安樂二縣而南北

亦加寬廣矣唐析潞置三河縣而東境始狹今西境則三

閒房名地西卽大興縣界距州僅二十里而絀按松漠紀聞

云潞縣三十里至交亭三十里至燕交亭必當日潞縣通今

州興今大薊縣興今大交界地也今此村在大興縣境內距廣渠門

十餘里潞沙筆綴以高碑知遼金時交亭以東皆潞縣境

矣又方輿紀要邊防攷二書載州境煙墩及官軍巡哨處

有大黃莊本名大王莊音相近而訛在三閒房西五里元

劫奪楊士奇南歸紀行錄云余至大是王莊建安公遣子錫攜酒來迓卽此是大黃莊明代尙屬

通州今屬大興矣州西境又析去數里也又遼史香河縣

本武清之孫村居民聚集因分武清潞縣置是州東南境

潞城攷古錄卷上

又析入香河也

漁陽攷附

漁陽郡自六國燕時已置秦因之見史記漢書地理志後

漢書郡國志魏書地形志俱載漁陽郡所領有漁陽縣卽

秦與西漢郡治其故城在今密雲縣南境見太平寰宇記

方輿紀要諸書北齊後周二書無地志可攷隋書地理志

始無漁陽縣蓋廢於齊周之世矣隋志漁陽郡領縣一曰

無終無終自昔隸右北平元魏隸漁陽至隋移郡以治之

此無終始兼有漁陽之名也唐書地理志潞縣下云武德

二年自無終徙漁陽郡於此置元州領潞漁陽并置臨洵

縣貞觀元年州廢省臨洵無終此漁陽縣之名復見於唐
初者玉田縣下云本無終武德二年置貞觀元年省乾封
二年復置萬歲通天元年更名蓋徙漁陽郡治潞而廢故
漁陽郡爲漁陽縣又析其地而以故縣無終之名名之其
實無終漁陽皆無終地非秦漢之漁陽故地矣如山陰在
晉代本會稽郡治隋廢會稽郡爲縣并山陰諸縣入焉唐
初復析會稽縣地置山陰與此相同至開元十八年置薊
州治漁陽縣唐以後因之歷梁唐遼金元皆同明初省縣
入州歷年既久時代且近後代地理諸家不加詳攷皆習
見唐置之漁陽遂混爲秦漢之古漁陽通攷方輿紀
潞城攷古錄卷上

八

要及各地理諸家書多以鮑邱水沽水載薊州漁陽縣下
而地勢水道始紊亂矣

太平御覽引圖經云薊州漁陽縣本北戎無終子國有無
終山城羅泌國名記無終子翟國今薊之玉田漁陽卽其
地觀二書知唐漁陽爲古無終地可爲確據又遼南忭盤
山在薊州上方感化寺碑略云感化者魏太和十九年無終

縣民田氏茲焉營辦此亦一證也

王應麟急就篇註云右北平郡秦置唐爲薊州

攷秦之右北平治無終

唐書地理志檀州密雲郡下云有威武軍萬歲通天元年
置本漁陽開元十九年更名知唐開元以前密雲尙以漁

陽名軍猶沿用漢以來故地名又密雲縣志云縣學在鼓樓東唐貞觀十二年漁陽刺史韋宏機創建亦仍稱漁陽也

鮑邱水攷

朱氏日下舊聞亦沿前代地理諸家之訛於通州既載太平寰宇記方輿紀要諸書以白河爲鮑邱水矣於薊州又載水經鮑邱水經文一條未免歧出水經云鮑邱水從塞外來南過漁陽縣東又南過潞縣西又南至雍奴縣北屈東入於海按漢潞縣今爲通州薊州在通州東一百四十里中隔三河縣若以薊州爲古漁陽則此河出薊州之東

潞城攷古錄卷上

九

烏能返過通州之西地勢睽隔有不能強通者況水經明言南過漁陽縣東又南過潞縣西則漢時潞在漁陽之南非東西相距也薊州治所之漁陽乃唐所建非秦漢漁陽故地鮑邱水卽潞河一名白河白河自塞外流入密雲縣境南逕順義又南至通州酈注云鮑邱水東南逕漁陽郡治秦始皇二十二年置方輿紀要於密雲縣載漁陽城在縣南十八里秦郡治此據二書則水經所謂南過漁陽縣東者指此通州潞河東有古城爲潞縣故城與水經所謂又南過潞縣西合酈注亦云鮑邱水又南逕潞縣故城西屈而東南流逕潞城南今潞河過州東卽轉而東南流正

經古縣城之南與經注俱屬相符則潞河爲古鮑邱水無疑又潞河自通州南流入武清縣境南會衛河入海武清爲古雍奴縣與水經又南至雍奴縣北屈東入於海亦合與薊州俱無涉

薊運河辨附

方輿紀要旣以通州白河爲鮑邱水又以薊州城南之運河爲鮑邱水又稱爲潞水通州白河名潞河者以州爲古潞縣鮑邱水逕潞縣故稱潞水見之水經本文及酈注甚明今薊運河全不逕由潞縣豈有名潞水之理又因班志漁陽縣載沽水水經注有沽水逕漁陽縣故城西之文復

潞城攷古錄卷上

十

冒以沽河之名

詢之薊人云并無此稱

總緣著書家概以唐置之漁

陽爲漢漁陽而未嘗核其地勢之東西南北也

沽水合鮑邱水攷

水經元文沽水鮑邱水列爲二水各有源流酈氏注鮑邱水云鮑邱水又西南流注之於沽河亂流而南又云鮑邱水入潞通得鮑邱之稱矣其注沽水云沽水又南逕安樂故城東俗謂之西潞水也又云沽水又南濕餘水注之沽水又南左會鮑邱水世所謂東潞也沽水又南逕潞縣是以沽水爲西潞水而云左會鮑邱水世所謂東潞指鮑邱水爲東潞水也云左會則鮑邱水明在東沽水明在西矣

至潞合流也今通州白河自東北來富河自西北來至州城東北合流爲潞河以水經注及今地勢攷之白河爲古鮑邱水富河當爲古沽水富沽或音相近而訛耳況所云沽水又南濕餘水注之濕餘水卽今昌平榆河下流爲沙河入於富河合攷之益見富河爲沽水之證乃地理諸書但知白河爲鮑邱水而不及富河太平寰宇記以爲潞河一名沽河一名鮑邱水似一河有二名實乃兩河會於一也其云北自檀州密雲縣界流入亦專指白河上源耳

州志富河之訛

州志富河在州城北源出甕山自白羊口經榆河下流爲

潞城攷古錄卷上

十一

沙河由順義縣南界流至州城東北與白河會焉攷甕山在宛平縣境內白羊口遠在昌平西四十里關隘之地若源出甕山何以返經白羊口蓋甕山乃通惠河上源經由之地州志復指爲富河之源似屬牽混長安客話云自塞外西流入白羊口經榆河下流沙河由順義南界至通州城東北入白河卽通州富河也較州志頗明確榆河爲古濕餘水以水經注攷之富河疑卽古沽水水經注謂濕餘水注於沽水今富河會榆河下流其說相合

州志潞河之誤

州志潞河一條舍水經注鮑邱水本文及太平寰宇記方

輿紀要所載白河諸說俱不引而沿吳道南河渠志及漕河攷之訛謂白河發源於霧靈山霧靈山乃潮河經由之地昌平山水記云潮河經密雲縣城東又西白河自北來會二水道提綱云潮河經密雲縣城東又西白河自北來會二說雖微異總之潮河白河各有源流後乃會於一耳不可以潮河上源混爲白河上源也

州志鮑邱河之誤

明一統志云鮑邱河源自禦夷北塞南流逕九莊嶺逕密雲戍又南左合道人溪水至通州米莊村合沽水經三河縣界入洵河方輿紀要於三河縣載鮑邱河白河之別名

潞城攷古錄卷上

十二

也自密雲縣流經通州東境米莊村又流經縣界至寶坻縣界合於洵河按陳昶三河志云鮑邱河白河之分流也明一統志似不知白河與鮑邱河爲二水上文則摭拾水經注鮑邱水之文下文又非水道核實經行之地全屬訛舛方輿紀要皆傳寫之本文字間有異同曾見一本作白河別流也與三河陳志同志又云鮑邱河自順義縣田各莊入境至始管營始有河形由夏店東石橋下至葛中馬房寶坻縣界平時乾涸閒有水路每遇霖雨聚水歸河旋發旋消蓋古鮑邱水卽今白河其支流入三河境稱鮑邱河是支流尙沿古名耳白河爲北直一大川今爲北運河

鮑邱河據縣志則涓滴細流耳其爲支河無疑通州志山川門潞河外別載鮑邱河一條襲用明一統志之文而不知其訛想因經通州米莊村一語故誤載耳三河陳志所記水道頗爲詳核可以證明一統志及方輿紀要之誤此河旣自順義流入三河絕不經由通州與通無涉

高粱水攷

水經注云鮑邱水入潞高粱水注之首受濕水於戾陵堰自堰枝分東逕梁山南又東北逕劉靖碑北又東南流逕薊縣北又東至潞縣注於鮑邱之水今都城西直門外迤北半里許有高粱河源發西山玉泉東入都城西水門稍

潞城攷古錄卷上

十三

東流入 大內環繞 宮殿南出玉河橋水門東行會南北城河由大通橋東下經慶豐閘平津上下閘普濟閘東至通州入白河元世祖至元二十九年郭守敬開此河置閘蓄水通舟以濟漕運賜名通惠參取長安客話蓋此河

在西直門外今仍稱高粱河入都城 大內則稱玉河流出東便門外大通橋下或稱大通河由五閘迤運而下至通州則稱通惠河土人呼曰裏河本一河而隨地異名是今通惠河卽古高粱水也白河爲古鮑邱水據水經注高粱水至潞縣注於鮑邱水據通惠河下流入白河與酈注合攷之前代魏劉靖見水經注北齊斛律羨見齊書本傳皆導高粱

水會潞灌田者又桂文襄公奏議亦云此河元郭守敬由古水道開濬非自守敬創始可知守敬卽因高粱水入潞故道廣爲開濬上源多引白浮神山玉泉諸水下流因地勢建閘蓄水以成河耳今人習焉不察皆知爲通惠河而不攷其卽古高粱水也

通州長城攷

州城西北四里有古長城遺址迤北接連順義南近通惠河北岸而止逾河而南復閒存一段又變而東西橫互再南爲州西門外入都孔道攷其形勢長城本綿連南北似挑通惠河及修西門外通京石路掘斷者詢之村人亦云又唐李

潞城攷古錄卷上

十四

丕墓誌石得之城南其銘曰屹然孤墳長城之東可見長城自北綿互而南唐時城西南遺址尙存也攷之州志曰秦蒙恬所築殊爲傳會按昌平山水記順義縣西南三十里有葦溝村村東臨溫餘河渡渡南有長城遺蹟遼史順州南有齊長城齊天保中所築沈括曰幽州東北三十里有望京館東行稍北十餘里出古長城卽此今通州長城迤北接連順義則卽北齊天保中所築之長城矣
潞縣武清二志俱載有古長城疑昔時亦與此接連爲一云

潞沙辨

許亢宗奉使行程路云潞河東半里許有潞沙曹操征烏丸袁尙等鑿渠自滹沱由派水入潞沙按三國志烏丸破幽州公將征之鑿渠自滹沱入派水名平鹵渠又從洵河口鑿入潞河名泉州渠據志則操所鑿乃二渠許混爲一渠又因潞河東有沙遂訛河爲沙皆未詳攷國志也

龔麟以

潞沙筆綴名書殊失攷矣

石羅漢年代攷

州城南地名王恕園有漢漢壽亭侯廟門內有井近日土人淘井得石羅漢焉今安奉寺中羅漢身下連石座座刻路縣住人李從善舍辦羅漢一尊後刻□□八年四月八

潞城攷古錄卷上

十五

日惜年號上一字全磨滅下一字僅存下半爲女字攷歷代紀元下一字下載从女者皆安字前代有茲土以安建元者後漢有漢安建安西晉有泰安永安北魏有興安太安天安永安遼有大安金有承安大安其餘安字紀元皆分帝南方非其土字也又攷漢魏及南北朝碑誌多用八分卽楷書亦帶分勢此文皆今體非漢晉元魏明矣金承安止五年大安止三年惟遼道宗大安十年此石刻於八年爲遼大安無疑也石刻路字不从水與遼史不合然班固漢志路不从水此刻或從漢志未可知也李從善與南唐中主子封韓王者同姓名時代先後不同當別爲一人

矣從善不書官蓋邑之富民也遼人崇尙浮屠國人化之刻羅漢崇奉以祈福祥耳其習尙然也

甘棠鄉攷

通州東十五里有甘棠鄉十六國春秋慕容雋觀兵近郊見甘棠於道周從者不識雋曰此詩所謂甘棠於是內外臣僚並上甘棠頌又名勝志通州志並云將臺有三其一在州城北通京師東直門中路舊傳慕容氏拜將臺也攷慕容氏是時都燕潞距燕城僅數十里地屬近郊而州又有將臺遺蹟鄉之得名或以此歟

太子府攷

潞城攷古錄卷上

十六

通州東南四十里有村名太子府今分前村州西二十二里

有村名大王莊莊已見前屬大興爲地攷金史胥持國傳

上書者言民間冒占官地如太子務大王莊非私家所宜

有持國言此地自異代已爲民有不可取也務與府音相

近每多互訛如州志牛家務土人呼曰牛家府州志及燕山叢錄載灤縣有得仁務錢塘遺事作德仁

府則二村得名當自遼代始矣

通州自遼迄今爲畿甸近地州城距京僅四十里而西境則與京縣壤地相錯其去都門二十餘里耳自遼金元明王公勳戚食邑賜田所在多有諒不僅太子府大王莊也惜故籍無存遂多湮沒今城南也西距城一里有王恕園相傳

爲明三原王端毅公別業今其地爲漢前將軍廟每歲五月香火極盛廟中陳列諸肆遊人絡繹彌月始罷壩上則

楊文貞公賜田見之於東里集又攷州乘有咸甯侯莊州西

十二里莊有狐士人訛曰咸狐莊塔千戶營州西十八里八百戶州東南三十里八疑卽

百戶名之上一驂馬莊州西南四十里喇嘛莊州東十五里高麗莊州南十

高麗屯州南十里命名之始俱不可攷矣咸甯侯爲仇鸞封

號鸞嘉靖中曾統兵禦敵於通或卽其賜莊抑前代別有一咸甯歟

樂山神攷

魏書地理志潞縣下云有樂山神今遍訪州境無所謂樂

潞城攷古錄卷上

十七

山者而三河縣志有駱山攷三河唐開元中析潞縣地置則元魏時三河尙在潞縣管內樂與駱同音古多通用

金石遺文

通州古金石之文絕少所存碑版皆明代物自元以前頗爲罕覯吳草廬通州文廟重修碑載集中久已片石無存矣蓋自遼金元之亡及明成祖與南軍構兵暨正統己巳嘉靖庚戌逮崇禎之世此地遭兵燹獨甚是以古物無存余留心搜訪於州城南得唐長豐令李君墓誌貞元閒物又於古城北得唐景城主簿彭君權殯志建中年物余俱有文記其事詳識顛末二石擬嵌之學宮壁閒又聞里二

寺田氏得石刻於田中文皆隸書屢託人索之伊堅不與竟投諸河可憾也州城南舊營房訪有尊聖陀羅尼石幢出土不盈尺大半尙沒土中逼近民居甲午歲屢欲致之爲勢所阻今此物亦失矣好之而無力雖近且易有不能致之六一所以致歎也

補州職官

州志職官表祇詳載明洪武以後金元二代厯存六人遼以前無之文獻無徵可慨也予於所得金石遺文并史册各家詩文集中得唐代二人金代三人元代五人詳錄於左

潞城攷古錄卷上

十八

李丕初爲潞縣丞

王諫爲幽州潞縣尉撰彭浣墓誌者

右唐二人見石刻

王寂字元老玉田人金天德三年進士官至中都路轉運使諡文肅所著有拙軒集集中祁縣重修延祥觀記作於大定十九年結銜書朝請大夫通州刺史兼知軍事
康元弼雲中人大定末以秘書少監兼著作郎改通州刺

史兼領漕事

本傳

通州刺史史肅

見孫鐸傳

右金三人一見本傳二見金史

學正楊齊賢

州長速朗吉大

州之參李也先 按吳文正公重修文廟碑云永平楊齊賢來為通州學正州之參李侯與州之長協心主張於上又云州長名速朗吉大其官承直李侯名也先其官承事云云皆但稱其散官而不書其職事官後閱三河縣志載元文廟加封詔書碑後書承直郎大都路通州達魯花赤兼管內奧魯勸農事速朗吉大知速朗吉大為通州達魯花赤也

右元三人見吳文正公集通州文廟重修碑

潞城攷古錄卷上

十九

馬世顯知通州事

右元一人見馬祖常石田集禮部尙書馬公神道碑

詳卷中

劉顯至正末為通州安撫司副使

右元一人見朱竹垞曝書亭集詳卷中

後漢漁陽太守攷

余既攷東漢漁陽郡治潞則後漢書各傳中所載漁陽太守當別立一表載之志中今詳列於左

彭寵

本傳更始立使謁者韓鴻徇北州承制得專拜二千石以下即拜寵乃發步騎三千人與上谷軍合而南光

武承制封寵建忠侯賜號大將軍寵轉糧食前後不

絕是時北州破散而漁陽差完有舊
鹽鐵官寵以州破穀積珍寶益富强

郭伋

本傳彭寵之敗民多猾惡盜賊充斥陽伋到示以信賞亂重

戮渠帥盜賊消散時匈奴畏憚遠迹不敢復入塞民整

勒士馬設攻守之略匈奴界不

陳訢

王霸傳詔軍霸與建武太守

張堪

本傳奴嘗以陽太守入捕擊姦猾賞罰必信吏民皆樂之

郡界以靜乃於狐奴開稻田八千餘頃勸民為政樂以

致殷富百姓歌曰桑無附枝麥穗兩歧張君為政樂以

范遷

為漁陽太守以見郭丹安邊

王暢

本傳以嚴明為太守

潞城攷古錄卷上

張顯

鮮卑傳延平元年鮮卑復寇漁陽陽太守張顯率

主簿衛福功曹

李膺

本傳遷漁

又禰衡為漁陽三搗在後漢末亦當屬治潞之漁陽

也

補州人物

州志人物亦祇詳明正統以後金元則採之二史遼以前

無之然明代雖詳仍有明史有傳而志不載者施聚閣應

元是也又攷唐書藩鎮傳吳少誠幽州潞人志亦未經採

入又讀楊東里續集載督河員外郭誠北京通州人官民

皆譽其廉公剛正楊公與談頗久稱其所論皆當云云志
僅存其名不載其行事史又不爲立傳僅從南歸紀行錄
見之東里負人倫鑒非漫許可者以上諸人俱當補入人
物志明史列傳中金忠應入通州流寓而志不載又明胡
應麟少室山房集寓潞之詩極夥詩悉採入下卷知其攜家居通
頗久志亦未及此二人當入州志流寓

朱竹垞寓潞攷

朱竹垞曝書亭集昭陽赤奮若年龔尙書輓詩有別袂何
曾把之句自注時余赴通州闕逢攝提格年送龔大之淮
揚詩云潞河遲日送征驂禁雪初晴柳尙含一路青山到

潞城攷古錄卷上

二十一

淮浦照人明月已江南又鴛鴦湖櫂歌序云甲寅歲暮旅
食潞河言歸未遂爰憶土風成絕句百首旃蒙單闕年有
潞河遙送湯駟南還詩載卷下柔兆執徐年讀葉司成嵩遊

草有客居通潞冬復春之句則自癸丑迄丙辰皆竹垞寓
潞之歲也其柳巷杏花歌則旃蒙赤奮若年詩乃罷官後
再遊通州宋牧仲署中旋京途中之作柳巷在州西十五
里爲入都東便門經由之地但竹垞寓潞集中不言所主
誰氏後讀葉訥菴讀書齋偶存稿有宿通州水月菴故人
朱錫鬯客龔使君所詩載卷下攷竹垞交契者有龔翔麟官
部曹遷御史疑龔以郎官奉差坐糧通州竹垞館其行署

駐通部使者州志無表遂難稽云 國朝詩別裁集載徐
蘭字芬若一字芝仙江南常熟人流寓北通州以終著有
出塞詩長白描人物詩無一語不奇康熙間人 攷廡青山人行
狀山人與芝仙善但狀作於越徐芝仙里貫互異因攷流
寓故類及之

封爵攷

郡邑前代有封爵者志乘中當編列一表而州志缺焉余
稽之史傳編列如左

安樂公劉禪

見三國志及水經注

安樂侯高閭

見魏書本傳

潞城攷古錄卷上

二十二

潞縣侯孫家

見魏書靈徵志

潞陽郡公李廷

見元揭文安公集

古通州

今通州有二北通州隸京師順天府建自金天德中南通
州隸江蘇建自周世宗平淮時唐俱未以通州稱也唐通
州隸山南西道見唐志 今四川之達州見一統志 劉晏李實元稹
俱曾貶此州微之詩通州海內栖惶地樂天詩來書子細
說通州及幾助笑歌嘲阿輓那知傳誦到通州皆指此惟
北齊書斛律羨傳除通州刺史不知齊通州治何地齊書
無志隋書地理志兼記前代亦未之及俟攷

州縣同名凡記人邑里者當以省分或府冠之此史例也否則易於混淆矣嘗見浙江通志職官表中明巡按御史黃廷聘巡鹽御史袁九臯右布政使馬坤右參政錢嶸俱書通州人 國朝温州府知府楊士烜書通州舉人攷州志俱無其名或係江南通州亦未可知又載元蔡心傳東陽人辟授通州判官亦未明著南與北也但楊士烜與州志科貢表中進士御史楊士斌進士沂水知縣楊士炆名類昆仲恐是州志漏略姑記之俟攷

州志溇縣人物之訛

附

溇縣自順治中廢入通州州志兼載溇邑人物有後漢泉

潞城攷古錄卷上

二十三

州人陽球曹魏雍奴人田豫元魏雍奴人高閭按二漢及晉雍奴泉州各自爲縣見漢書地理志後漢書郡國志晉書地理志至北魏太平眞君七年并泉州入雍奴見魏書地形志唐天寶初雍奴更名武清見新唐書地理志今溇縣僅泉州故地一隅以前代泉州人屬溇尙可因泉州并入雍奴遂以雍奴人亦屬溇殊失限斷況田豫爲三國時人時泉州尙未并入雍奴則豫自爲雍奴人又攷魏書高閭傳眞君九年徵爲中書博士是時泉州并入雍奴僅二載耳閭若本泉州人隨邑遷改傳未有不載者可知閭自爲雍奴人俱與泉州無涉溇縣志雜採史傳未能詳攷地

理沿革州志遂沿其誤耳

補瀋縣職官 附

金史蒲察思忠傳思忠本名畏也大定二十五年登第調

文德瀋陰主簿志未載當補 縣在遼金本名瀋陰

瀋縣棗林辨 附

方輿紀要瀋縣下載棗林在縣西北元致和元年上都兵破通州燕帖木兒與戰于檀子山之棗林敗之按元史遼東軍破通州燕帖木兒引兵擊之皆渡潞水走史明言戰薊州之檀子山又云戰于檀子山之棗林薊州爲遼東孔道遼東軍敗燕帖木兒追戰於此瀋縣在通州南遼東軍未嘗至其地以遼東軍爲上都兵方輿紀要已誤又以薊之棗林爲瀋之棗林益誤矣瀋縣亦無檀子山

補遺

温榆河攷

昌平山水記温餘河卽昌平之榆河下流爲沙河入順義西南界下至通州入潞河本水經注之濕餘水以字相似而訛也 方輿紀要榆河一名濕餘河或名温榆河蓋濕餘之訛也 朱竹垞曰後漢書王霸爲上谷太守陳委輸可從温水漕以省陸轉輸之勞事皆施行章懷太子注引水經注作温餘水遼史順州有温餘河金更懷柔縣爲温陽豈盡無據水經注旣無善本今人習見坊刻遂指温字爲濕字之訛正恐類昔人所云以不悖爲悖也 案今沿

潞城攷古錄卷上

二十五

河居人仍呼此河上流爲温榆河益徵朱氏攷據之精當但水經注濕餘水注于沽水今富河沽水又南左會鮑邱水今白河是温榆河入富河富河始與白河合流也今挑濬此河一切文移章奏統稱爲温榆河而富河之名遂隱而不舉攷水道者亦不可不知也